

JESUSMAN YUPACHICUGCUNAMAN PIPAG MAYPAGSI GUEPACAGTA PEDRO CARTACUNGAN

Naupataga shumag tantianaypag uchuclata niyushay Pedro imanir cay guepacag carta isquirbingantas.

Pedroga shumagmi musyara wanunanpag nä pasay nachrgarayämunganta. Chaymi payga cay cartata apachira Jesusman yupachicug-mayincunaman Diospita yachracuranganta mana gongaylapa cäsucurcänanpag, jinaman chay lutan yachrachigcunata mana cäsucurcänanpag isquirbircur.

Chaura Pedroga cay carta isquirbiyta galayura cay nirmi:

Pedro pi cangantas reguechicur saludangan

1 ¹Noga Pedroga Jesucristopa servignin, jinaman cachran rurag carmi, isquirbiyämü cay cartata. Gamcunaga ali rurag Diosninchipam, nätan salvagninchi alisca ali Jesucristopam nä carcayanqui, nogacuna yupaysi alim nä yupachicurcayanqui. ²Nä Tayta Diosta, jinaman Munayniyog Jesucristota reguercayaptiquiga, paycuna cuyapälar ima-aygachrüsi alisca alisca yanapapäcushunqui, jinaman gasilata cawachipäcushunqui.

Razonpa yupachicurcangay musyacächun rurapäcungaypa

³Naupata Diosga munayniyog carmi, rurara Jesucristowan ima-aygatas caychru ali cawananchipag, jinaman payga acramaranchi cuyapämarlanchim. Nätan cuyapämaranchiga alisca cuyacug carmi. ⁴Chaynuy imas ruranganpam cananga ningannuyä

yanapayämanchis, nätan nimanganchipam cananga cayanchi Diospa castansi. Chaynuy cayanchi cay pachachru imas lutan munaypita, jinaman jucha ruraypita yargosha carmi.

⁵Nä Dios chaynuy rurarayaptinga imanaypa ayganaypas alim cawapäcunquiman. Nä Diosman yupachicurcayarga ali cawagmanmi muyupäcunquiman, ⁶mas tantiagmanmi muyupäcunquiman, mas amachacugmanmi muyupäcunquiman, mas awantacugmanmi muyupäcunquiman, ⁷mas cuyanacugmanmi muyupäcunquiman, jinaman mas cuyacugmanmi muyupäcunquiman. ⁸Caycunata rurayar cawapäcurga manam guellachu capäcunqui, antis ali yachragcama runam Munayniyog Jesucristopita. ⁹Nätan pisi mana cay ningänuy cawarga cayan juc gotaranuy mana tantiagmi. Chaymi nä manacagman chrurarärin unay

juchancunapita perdonasha
capäcungantas.

¹⁰Chauraga Jesusman
yupachicug-mayïcuna, nä Diossi
gayararcayäshuptiquiga, jinaman
acrararcayäshuptiquiga imanaypanuysi
cay shumag ruraycuna gamcunachru
sapichacuchun juc jachranuysi.
Chaynu y cawarga manam imaysi
raqicapäcunquichu Diospita.
¹¹Chaynu y capäcuptiquiga, Salvacug
Jesucristo quiquinmi cayanganman
yaycachipäcushunqui munayninchru
imaycamas capäcunaypag.

**Yarpapäcuy cay razoncag
yachrachipäcungagta**

¹²Chaymi noga cawayangäcamaga
yarparcayächishay, cay
yachrachipäcungagta nä ali
musyarcayaptiquis, jinaman razoncag
ningannuy cawarcayaptiquis. ¹³Cay
pachachru cayangäcamaga
piñaparcayäshaymi ningänuy
cawapäcunaypag. ¹⁴Munayniyog
Jesucristom nogataga nä
musyarayächiman cananpita mana alä
unayta wanucunäpag. ¹⁵Nätan
cawayangäcamaga yarparcayächishaymi
cay yachrachipäcungagta wanucuptisi
chaynuyla yarpapäcunaypag.
¹⁶Jesucristo munayniyog canganpita,
nätan cutimunanpita
yachrachipäcungagga manam cara imas
yanga cuentulachu, antis nogacunaga
ñawicunawan munayniyog canganta
ricapäcungätam rimapäcurä.
¹⁷Jucpaychrümi Tayta Diosga Jesusta
alawar, jinaman alisca alipag ricar
rimaramun chay alisca achicyagpita cay
nir: “Paymi cayan alisca cuyay
Dios-mayï. Paypitam alisca cushirayä”
nir. ¹⁸Chayta nogacunam mayapäcurä
jana pachapita rimamugta, Jesuswan
chay gotuchru cayar.

¹⁹Nätan cay janascachru
nipäcungagpita, Diospa unay
willacugnincunas shumagmi
musyachimanchi isquirbipäcunganchru.
Jinaman alitam rurarcayanqui chay
nipäcunganman yupachicurga. Chay
rimapäcunganga cayan yanauyagchru
waramungancama juc achqui
rupayagnuymi. Chaymi nä ‘waran achi’
nisha Cristo cutimuptinga shumag
musyachimäshun. ²⁰Nätan naupataga
cayta shumag tantiapäcuy: Diospa unay
willacugnincuna isquirbipäcunganga
manam maygalansi canchu
tantiaylancunapita isquirbishaga.
²¹Diospa unay willacugnincunaga
manam rimapäcugchu imaysi shongon
munangalantaga, antis paycunaga
Diospa acrasa runan carmi rimapäcug
Santu Espiritu tantiachinganta.

**Gamcunachru cangam casqui
yachrachigcuna**

2 ¹Unay wichan Israelchru caram
Dios rimanganpita casquiya
yachrachigcuna, chaynuymi canga
gamcunachrüsi Diospita casqui
yachrachigcuna. Chaycunaga mana
pipitas tantiachicularmi
yachrachipäcushunqui lutancunata.
Chaynu yachrararcayächishuptilaymi
Cristoman yupachicuytas dejapäcunqui.
Jinarcurmi chay ima-aygapitas
jorgapäcushugniqui Diospagsi lutanta
rimapäcunga. Chaymi paycunaga
mayänipita cunchuchisha capäcunga.
²Nätan ahcama chay
yachracurcangannuy ganra juchacunata
rurayar cawapäcunga. Chaycunapa
jananmi lutanta rimapäcunga Jesús
ningannuy cawagcunapita. ³Imatas
charayta munarmi, chay casqui
yachrachigcunaga nipäcushunqui
yangacagta imatas gopäcunaypag.
Chaynu y jinapäcunganpita nä

unaylapitam nisha cayan
cunchupäcunanpag, nätan chayga nämi
nachrgayämün.

⁴Shumag tantiapäcunaypag cayta
niyärishay: Tayta Diosga manam
perdonashachu angelcuna
juchäcaräriptinsi, antis payga jitarpusha
alisca yanauyag cunchuymänmi.
Chaychrümi carcayan Dios juchacunata
taripänan junagcama. ⁵Diosga manam
unay wichan jucha ruragcunatas
perdonashachu, antis alisca juyu
tamyawanmi cunchuchira. Chaypin
Diosga salvara Noé jutiyog runalata
“Ali cawapäcuy” nir, willapacug captin,
jinaman ganchris runalata. ⁶Tayta
Diosga Sodomawan Gomorra marcachru
yachrag runacunatas juchanpita
ninawanmi ruparachira uchrapaman
muyupäcungancama. Chaynu y rurara,
guepa wiñaycuna Dios jucha
ruragcunata cunchuchig canganta
musyapäcunanpagmi. ⁷Nätan Diosga
alita rurag Lot jutiyog runatam jorgosha
ninawan rupanapita. Payga alisca
laquicug runa-mayincuna shongon
munangan juchalata rurapäcuptinmi.
⁸Payga alita rurag carmi waran waransi
alisca laquishala cacug juchala
rurarcayanganta mayar jinaman ricar.
⁹Chaynuymi Taytanchiga payta
manchacushaga imanaypa
yanapämayninchitas musyan mana
juchaman ishquinanchipag. Nätan jucha
ruragcunataga cayächin juchacunapita
taripänan junagcamam
cunchuchinanpag.

**Lapanpitas masmi casqui
yachrachigcunata Diosga
cunchuchinga**

¹⁰Tayta Diosga razonpam
cunchuchinga cuerpun munangan
juchacunalachru cawayagcunataga.
Chaycunaga lapan mandagcunatas

manacagpagmi ricapäcun. Chaycuna
capäcun lutan munangalanta
ruragcamam, jinaman manam
manchacurcanchu ima lutan niytas jana
pachachru munayniyog cagcunapagsi.

¹¹Nätan chaycuna chaynu y
nircayaptinsi, angelcunaga mas
munayniyog, jinaman alisca calpayog
carcayarsi, manam imatas lutanta
nipäcunchu chay lutan rurag
runacunapag Diospa naupanchru.

¹²Chay runacunaga capäcun
uywacunanuymi. Chaymi mana
tantiaynincuna captin rimapäcun
lutanta ima-aygapitas. Uywacunachu
näcipäcamun wanuchisha
capäcunalanpag, chaynuymi paycunas
lutanta rurayälär wanupäcunga.

¹³Chaycunaga lutan rurapäcunganpita
cunchuchisham capäcunga. Chaycunaga
aliscam cushicurcan runa ricay ima
juchata rurapäcursi. Jinaman chay
lutancunaga lutanpagmi runacunawan
ricachimanchi micapäcuyinichicunaman
aywarcamur imas lutan
rurapäcunganpita rimapäcur.

¹⁴Chaycunaga pita ricapursi aliscam
munapapäcun “Wacwan punuyümanga”
nir. Manatan juchäcuytas yamapäcunchu.
Chaycunaga mana aläpa
yupachicugcunatas juchäcarcayächinmi.
Chaycunaga yachracasham capäcun
lutan ruracuylapag, jinaman capäcun
Asyagpa castanmi. ¹⁵Chaycuna
purircayan pantacasham ali
cawananchipag yachrachimaginchi
willapata dëjarcur, jinaman
cawarcayansi Beorpa churin
Balaamnuymi, lutan rurapäcunganpita
golgue chrasquiyta munarcayar.

¹⁶Balaamta juchanpita tantiachira juc
chrina ashnum juc runanuy rimapayar
munangannuy juchata mana rurananpag.

¹⁷Chay lutan yachrachigcuna capäcun
chaqui pucutaynuymi, jinaman

walyaywan yana pucutay jucláman aywachishanuymi. Chaycunaga mas yanauyagninchru imaycamas cunchupáccunapagmi ná nisha carcayan. ¹⁸Chaycunaga rimapáccun manacagpitam alisca alita nirag. Jinaypam jucháccuyypita chayrag yargamushacunatas jucháccachiyta munapáccun naupatanuysi jucháccuyálar cawapáccunanta munar. ¹⁹Chaycunaga “Ima-ayga jucháccuyypitas jorgapáccushaymi” nipáccunmi, mana quiquincunas ganra jucha ruraypita mana yargoyta atiparcayarsi. Chaymi pisi jucha ruraywan yalichicuruga juchalata rurayar cawapáccun.

²⁰Chaycunaga ná Munayniyog Salvacug Jesucristota reguerarcayarmi, nátan jucha ruraycunapitas ná yargorcayarmi chay juchaman yapay cutiyuruga, ná juchawan yalichicarárin. Chaymi chay runacunaga unay cawapáccunganpitaga mas lutanman muyurárin. ²¹Antis chaycunaga alichr canman cara payta mana reguepáccuptinsi, ná reguercur-rag pay ningancunatas mana cásucurcayanganpitaga. ²²Chaycunata rurur paycunaga capáccun cay ninganchinuymi: “Algolam yapay micucurunga shongon cutichingantas, nátan maylasha cuchilam isguerachru yapay gochrparun” ninganchinuymi.

**Ali cawarcayay Taytanchi cutimur
pushacamánanchipag**

3 ¹Cuyasháccuna, cay carta isquirbimungá cayan guepacag cartámi. Caywanga ná ishcy cartatam gamcunaman apayáccimü. Ishcayninchrüsi piñapapáccug ali tantiagcama capáccunaypagmi. ²Noga muná Dioslapag cawag willacugnincuna rimapáccunganta, jinaman Munayniyog Salvacugpa mandashacunata chay

cachran ruragcuna yachrachipáccushun-gayta mana gongapáccunaytam. ³Caytas shumag musyapáccuy: Ushanan junagcuna ricacapáccamungam imatas ashliparcur asipapáccushugniqui, nátan shongon munanganta jucháccuyálar cawagcuna. ⁴Chaycuna nipáccushun- quim: ¿Imanirtag cutimunchu chay “Cutimushagmi” nipáccushugniqui? “Cay pacha camacanganpitas, nátan unay awillunchicuna wanupáccunganpita- pchas chaynuylatan cayan imas” nipáccushunquim. ⁵Chay runacunaga Diosninchi cay pachatas jinaman jana pachatas ruranganta musyayarmi “Manam paychu rurasha” nipáccun. Nátan unay wichan Dios rimariptilanmi yacupita ricacámura cay pchas. Jinaman yacu chraupinchrümi cayansi. ⁶Nátan chaynuy rimariptilanmi unaysi cay pachaman yacu juntarura imacagsi limpu ushananpag. ⁷Nátan pay rimangannuylam jana pachacunas jinaman cay pchasi cayan pachalan, ninawan rupachinanpag Dios juchasapacunata cunchuchinan junagcama.

⁸Ama caytas gongapáccuychu cuyasháccuna. Diospag juc junag cayan waranga watanuymi; nátan waranga watas juc junagnuylam. ⁹Waquin runacunaga “¿Imayrag Jesús cutimungas?” nipáccunmi. Nátan payga mana juclaga cutimunragchu, mana pisi juchalanchu wanunanta munarmi, antis munayan juchancunapita wanacurcur payman cutipáccunantam lapantas.

¹⁰Nátan Taytanchiga juc junagchru cutimunga mayánipitam juc suwanuysi. Chauraga jana pachachru ima-aygas ricapuyanganchicuna manchacaypag wagariyarmi rupayanganpita illacapáccunga. Jinaman cay pchas lapan ima-aygas cagnintinmi rupachisha canga.

¹¹Chauraga lapan ima-aygas chaynuypa ushacñan cayaptinga, gamcuna cawapacuy mana juchacular, Dios munanganta rurarcayar.

¹²Chaynu ali cawayar shuyacuyarga Taytanchi shamunan junagtam apurarcayachimunqui. Chay junagga jana pacha ricapuyanganchim ushacanga ninawan jinaman chaychru imacagcunas chulungam. ¹³Chaymi noganchiga shuyayanchi mushog jana pachacunata, jinaman cay pachatas mushogta, Diosninchi nimanganchinuy. Chaychrüga canga Dios munangannuy ali cawaylam.

**Ama chrasquicurcaychu casqui
yachrachigcunata**

¹⁴Chaymi Jesusman yupachicug-mayicuna, chaycunata shuyacurcayarga, mana piñapasha capacunaypag imanaypa ayganaypas ali cawapacuy, mana juchacular, nä Cristo cutimur shumagla cawayagta taripacushunaypag. ¹⁵Nätan juchasapa runacuna salvacunanta munarmi

Taytanchiga manarag cutimunragchu. Chayta shumag tantiapacuyga. Chaycunapita isquirbipacamushuraymi cuyay wauguenchi Pablosi, Tayta Diosninchi ali yachrayta gonganwan. ¹⁶Lapan cartancunachrümi nipacushuray chaycunapitaga. Nätan chaychrüga cayanmi sasa tantianas. Chaytam gotaracunaga, jinaman guepa cayagcunaga camanta tantiapacun. Chaynuymi rurapacun Dios waquin isquirbichingancunawansi jucnuyman muyuchipacunanpag. Chay rurapacunganpita cunchuchisham capacunga.

¹⁷Chaura cuyashacuna, nä imanuyapa ali cawaytas musyarcayachiptüga "Amam razonchri" nir chrasquicurcanquichu chay casqui yachrachigcunata, alichru carcayangaypita mana ishquicapacunaypag. ¹⁸Antis gamcunaga yachracurcay chaynuyla cuyapacug Diosninchipita, jinaman Salvacug Jesucristopita. Payla cachun alawasha canansi, jinaman imaypita imaycamas. Chaynu cachun.